


www.BibleForChildren.org

Mateo 26




Yebti köbö ti Pascua
känenkri, Jesu rikaba Lázaro
känti juta Betaniate
mda. Lázaro ne mden
abko krütani, akwa Jesukwe
mikaninta nire abko känti Jesu
rikaba. Angwane María jataba kri
ngwäri rä bäne kä nardo ngwena bäsi
botea ötare jire.



Nardo ye abko ütiäte kri
amne ñan nämane mritani
jire ñöbe abko María
jataba ngwena, bti Jesu
mikakäre ütiäte Maríakwe nardo
ye kekaba Jesu ngotobti, bti Jesu
ngoto rötabata ja dokwä drüenbti kwe.
Angwane kä rä rababa bäne jökrä gwita temen
nardo ye kisete.




Yehti, ni blitaka Ngöböbe ni mda mda diäre dänkientre
btä Kukwe Biani Ngöböke Moiséye dirikätre abko
käkwe Jesu kadre ngite müre
ketadre ño tiebe abko namanintre
ngibiaretari kisere. Ye ngwane
ni ni jätäbti nibu ja töitikaka
Jesube abko iti kädian nämane
Judas Iscariote abko
nikani nitre blitaka
Ngöböbe ni mda
mda diäre
dänkientre
känti Jesu
kitakäre
ngise ietre.




Judas nikani Jesu kite ngise gani kwetre angwane,
kä namani nuäre btätre, käkwe ngwian bian
braibare Judaye, bti Judas nikani.

Ye ngwane Judas namani kä
kuin ngibiare kisere jae,
Jesu kitakäre ngise.



Ye erere bkänä, Jesukwe nun
juanba mrö ükete biare, ye kwrere
nun janama nuene, käkwe mrö
sribeba kwetadre bieta Pascuakrä.
Yehti nun näma mröre jökrä angwane,
Jesukwe ban dianba kunti kiseti,
käkwe kuin nieba btä Ngöböye, bti
ötäbtäba kwe, bti bianba kwe nun ja
töitikaka benye, käkwe nieba:

Ban ne abko ti
ngätä ara. Ne
kaen ngäbti
munkwe, bti
munkwe kweta, nieba
kwe nunye.



Yehti uba döi näma basote abko
Jesukwe dianba kiseti, bti kuin
nieba btä kwe Ngöböye, bti bianba
kwe nunye, käkwe nieba: Uba döi tä
basote ne ñaen ja täritäri munkwe.
Uba döi ne abko ti däre tikwe ara.
Ngöbökwé kukwe ükadite btin munbe
ye abko rabadi bare täte jökrä ti däre
nebti. Erere arato, ti däre
rimiadite ni kwati
kräke köböire ni
kwati ngite Ngöbö
rüere ye Ngöbökwé
diandikä mento btä.



Yehti ni Dänkien käkwe niebare mda: Simón, Satana tö mun jökrä nuaite krübäte ja käne, käkwe mun köböi käräba Ngöböye, akwa makwe tödekadre janknu Ngöböbti, abkokäre tikwe blitaba Ngöböbe makrä Simón. Ne aise te ma töi rikwitata ti kukwäre angwane, makwe ma mräkä mda mda nete se die mika nünenkä dite jabtä, niebare Jesukwe Simónye.



Abtä Simónkwe niebare mda ie: Ti Dänkien, ma kitadre ngite ya o ma kämikadre ya, ye kánti tita juto biare niken gwaire mabe, niebare kwe Jesuye. Abtä Jesukwe niebare mda ie: Pedro, ti bike kukwe era erere niere mae abko krörö: Antlan ngämi ngwäne dekä, ye känenkri ti gare ñakare mae, makwe niedi bämä jire. Abko kore se, niebare Jesukwe ie.




Yebti nun ja tōitikaka Jesube,
ben Jesu rikaba nebe kākā
Getsemaní kánti
angwane, Jesukwe
nieba nunye: Tāke temen
yete munkwe amne ti abko
bike niken kánime nokore
blite Ngöböbe, nieba kwe.




Tata tikwe, ma raba jäändrän
jökrä nuene, aise te tikwe ja
tare nikadre, bti ti müre
ketadre, ye ma tö diain ti
bäre angwane, makwe
dian ti bäre. Akwa ma tö
dre ye tikrä, ye erere raba
bare tibtä amne ñan ti töi
abko erere rabadre bare,
niebare kwe Rün Ngöböye.



Ne aisete, batibe Judas jataba nitre krörökrörö jie ngwena: nitre rükä romanobo kwati amne guardia ju blitakrä Ngöböbe ngibiabtikä abko nitre blitaka Ngöböbe ni mda mda diäre dänkientre amne nitre bariseo käkwe juani. Nitre jataba nüke Judabe ye abko näma näin jändrän rükrä ngwena kisetekisete. Erere arato, näma näin ñukwä amne ñotra ngwena kisetekisete.



Ye bti ni blitaka Ngöböbe ni mda mda diäre dänkien,
kwe ni klaboré nämane abko olo küde ruenkri
tikaninkära ta ie ni itikwe se kwrere. Akwa
Jesukwe niebare ietre: Nitre ye tuemetre,
niebare Jesukwe. Bti ni klaboré ye
olobtä Jesukwe kise mikani
angwane, namaninta
kuin batibe.



Yehti Jesu kani ngite, jänikani nitre blitaka Ngöböbe ni mda mda diäre dänkien juete angwane, Pedro nikani bä mente jiehti se kwrere.



Jesu jänikani ngite, ye kanti namanintre angwane, ni ruäre käkwe ñukwä bukaninte ju bäre, bti namanintre tükänintbe ñukwä bäre temen mda angwane, Pedro nukani, namani tükänintbe siba niaratre ngätäite ñukwä träse.



Yebti ni klabore nitre
blitaka Ngöböbe ni mda
mda diäre dänkien
kräke, akwa ni olo
tikakaba kwärä ie Pedrokwe
abko mräkä käkwe nieba
Pedroye: ¿Ma ye täni siba ben
olibonurai kanti sete tikwe turi,
nibi ruen tie ya? nieba kwe ie.
Akwa Pedro abko käkwe ja
rükantebata, ye btäräbe antlankwe
ngwänänba, Jesukwe nieba ie, ye
kwrere rakakaba. Angwane
nikani mentokwäre, käkwe ja müaibare
kri kä bäre mento.





Yebti ni jökrä nämáne yete abko
nikani Jesu ngwena mda Pilato
ngwärekri. Abtä Pilatokwe niebare
Jesuye: ¿Ma abko jrei nitre
israelitakwe bkänä ya?
niebare kwe. Jesukwe
niebare Pilatoye: Jän.
Era metre ti ara, niebare
kwe ie.




Akwa Pilato abko tö namani Jesu
tikaiteta, käkwe ñäkäbareta
bobuta ietre. Akwa niaratre käkwe
ngratebare bäri ja dibti mda, kä
namanintre niere: ¡Müre
kete krusobtä! ¡Müre
kete krusobtä!
namanintre niere.



Angwane nitre israelita ji dokwäte ye moto mikakäre jäme, Pilatokwe Jesu bianba müre ketadre krusobtä rükätre romanoboye. Erere bkänä, nitre rükä rikaba Jesu ngwena müre ketadre krusobtä. Jesu järikaba angwane, rikaba kruso ngwena jakrä au käkä “Ni Dokwä Kroko Käi” nie nämane abko kanti. Kä ye arabe abko kädianta Gólgota hebreore.




Kä ye kanti Jesu metaba krusobtä
angwane, ni nibu metaba Jesubtä
kwärikwäri müre ketadre,
aisete Jesu rababa
ni nibu ye
ngätäite.



Ye bti ñänä ruäre angwane, kä ngidianinte mda amne
kä namani iko jökrä temen nebebe ñänä okwä krämä
dere, aise te ñänä trä namani ñakare. Erere arato,
dänkwän ngetbo, bti ju blitakrä

Ngöböbe nämane
ñäkänintbe, ye nianinkäbe
ötöbu ta se kwrere.

Angwane Jesukwe
ngratebare kri, käkwe
niebare: ;Ti Rün, ti
bike ja üai mike
gare mae! niebare
kwe. Ye btäräbe
krütani.



José Arimateabo abko ie ja nükani
töre, nikani Pilato kanti, käkwe
Jesu ngwäkä käräbare ie.
José Arimateabo abko ni
ütiäte kri sribikä siba
Sanedrinbe. Ni ye
abko, Ngöbö
rükadre gobrane
ni kwe ngätäite

diribare Jesukwe
nämane ngibiare kisere
arato, aiseite nikani Jesu
ngwäkä kärere Pilatoye.



José käkwe dän bəri ütiäte kädianta
lino kökani, bti Jesu ngwäkä
krusobtä käin diani timon,
mrianinte kwe dänthe, bti
kä muanina biare
jäkwatate ni doboi
mikakrä, te Jesu
doboï mikani
kwe, bti jä kri

münaninkä kwe abko
mikani kä mkä juere
kwe Jesu doboïbti.



Jesu doboi mikani, yebti jändrinane
köbö jadükakrä näire,
nitre blitaka Ngöböbe ni
mda mda diäre
dänkientre amne nitre
bariseo nikanintre
gwaire nebe Pilato
känti, käkwe
niebare krörö
ie: . . .



. . . Nun dänkien, ni ngwarbe ni
ngökaka müre ketaba jändrin
kädianta Jesu, ye abko
nämane nüne angwane,
nieba krörö kwe: Ti
müre ketadi, akwa
köbömäkäre
angwane ti rükadita
nire, nieba kwe,
ye abko

nüta töre
nunye.



Ye erere bkänä, nitre ye nikani amne
jäkwata mikani rökabti, yebtä kä
tärä mikani gare kuin
kwetre, ni mdakwe ñan
Jesu ngwäkä goidre
abkokäre. Erere arato,
nitre rükä mikaninte
ruäre guardiare
kwetre röka

ngibiarebti
yete.



Yebti köbö jadükakrä nikani ta, abti kä
jatani ngwen krire bämänte dekä
angwane, María Magdalabo
amne María mdara jire ye
nikaninta dobohti. Ye
btäräbe dobo namani
nakaenkä kri
krübäte, ñobtä ñan
angwane angele

ni Dänkien
Ngöbökwé nämáne
kä käinbti abko
nükani kä temen
nebtä.



Angele ye abko nikani nebe
rökabti angwane, jäkwata kri
mikani kä mkäbti ye abko
angelekwe dianinkä mento,
bti namani täkänintbe
jäkwata yehti.



Angele ye jatabare nitre rükä nämane
guardiare rökabti yeye angwane,
niaratre namani nekwetekä
krübäte, aise te namani
grükekä jökrä ngrabare
amne kä nötaninte
jökrä bti, aise te
namanintre kitaninte
temen ni ngwäkäre
kwrere.



Angwane angele käkwe niebare
meritre yeye: Mun ñan rekwetaka.
Jesu müre ketani krusobtä
abko munta näin tuenta
känti, ye gare kuin tie,
akwa Jesu nürate
nire, aise te ñakare
nete, . . .



. . . niarakwe niebare munye ye
kwrere nibi bare, aise te kä mkä
aibe nebe tökare niara täbtä
nete mun jakwe tuen.




Ye erere bkänä, meritre nämane dobobti
ye nikaninta jötrö angwane, kä jürä
namani krübäte btätre, akwa erere
arato kä namaninta nuäre krübäte
btätre, aise te nikanintre betekä
kukwe ngwenante nun ja
töitikaka Jesube ye Kräke.



Niaratre nämane näin betekä ji ngrabare
angwane, batibe Jesu ara nükani ngätai
bentre, käkwe “Ñantöre” niebare
ietre. Ye btäräbe niaratre käkwe
krötabare Jesu ken, nikani
ngitiekä Jesu ngotobtä temen,
käkwe Jesu ngoto kani ja käne
angwane, mikani ütiäte
kwetre
jae.







Abti nitre ja töitikaka Jesube ni jätäbti iti nämäne mröre angwane, batibe Jesu nükani ja mike tuare ietre. Akwa Jesu nükaninta nire, ye ni tuakatuaka käkwe niebare nitre ja töitikaka ben yeye abko ñan kukwei kani ngäbti jire chi kwetre, yehtë Jesukwe ñäkäbare ietre. Ni Dänkien Jesu käkwe blitabare ünän kore nitre ja töitikaka benbe, bti Ngöbökwé kaninkä käin, nikani ben kä käinbti, kanti mikani tākäninte kwe ja küde ruenkri. Ye kwrere mikani bäri ütiäte kwe jae.



Ye kwrere ni Kä
Nebtä Ngobo rabadi
kaninkä käin, ñobtä ñan angwane Ngöbö ara
käkwe ni jökrä tarebare kri krübäte, käkwe ja
Odei itibe biani müre ketadre Kräke, ni jökrä
käkwe tödekadre Ngöbö Odei yebti angwane
angwane, ñan rabadre ganinte kärekäre
Ngöbö okwä bäre mento, akwa
nünandre kärekäre kwe Ngöböbe,
abkokäre Ngöbökwé
juani,



Romanos 3:23

ñobtä ñan angwane ni jökrä käta ja mike ngite Ngöbö rüere, abtä Ngöböta kukwe nuemna nie, ye abko ni jökrä ñan tä mike täte metre jire chi. Ye aiseite ni ñakare jire iti abko metre Ngöbö kwrere.

Romanos 6:23

Akwa kukwe kämekäme nuenta nikwe abko ütiäre nita krüte amne nita mente kärekäre Ngöböye, akwa ja moto kuinbti Ngöböta ni mike nüne kärekäre jabe ni Dänkien Kristo Jesu köböire, ye abko tä nuene ngwarbe ni kräke amne ñan tä ütiä kärere nie.



Hebreos 9:27

Ye abko, ni jökrä krütadre batibe abko ükaninte kore Ngöbökwe nikrä, abti kritobo tä kukwe ükete, ye kwrere Ngöbökwe kukwe ükadite nikrä.

Efesios 2:8,9

ñobtä ñan angwane Ngöbökwe ja moto mikani kuin munkrä käkwe mun dianintari, munkwe tödekani Jesubti angwane. Ye abko ñan jändrän kuin nuenbare munkwe abko ütiä nükani kore munye, akwa Ngöbö ara jire käkwe mun dianintari ngwarbe ja moto kuinbti. Mdakäre abko, ñan munkwe sribi kuin nuenbare au jakrä abko ütiäre mun namani dianintari, ye abko ni ñakare jire iti rabadre bike kri, abkokäre Ngöbökwe kukwe mikanintbe kore,



Romanos 10:9,10

Kukwe mun diantarikrä abko tä ja ken munbe, ñobtä ñan angwane Jesu abko ma Dänkien makwe niedre ja kada jenbti amne Ngöbökwe Jesu mikaninta nire, yebti makwe tödekadre amne makwe mikadre era ja töibti angwane, ma rabadi dianintari. Ye abko, Jesu mikata era ja töibti amne tödekata bti, yebtä ni ngite ñakare mda abko Ngöböta niere nibtä amne, Jesukristo abko ni Dänkien nita niere ja kada jenbti, ye ngwane nita nebe dianintari.



Juan 3:16,17

Ye kwrere ni Kä Nebtä Ngobo rabadi kaninkä käin, ñobtä ñan angwane Ngöbö ara käkwe ni jökrä tarebare kri krübäte, käkwe ja Odei itibe biani müre ketadre Kräke, ni jökrä käkwe tödekadre Ngöbö Odei yebti angwane, ñan rabadre ganinte kärekäre Ngöbö okwä bäre mento, akwa nünandre kärekäre kwe Ngöböbe, abkokäre Ngöbökwé juani, ñobtä ñan angwane ñan Ngöbökwé ja Odei juani ni kukwe kämekäme nuenkä Ngöbö rüere mikakäre ja tare nike, akwa niara köböire rabadre dianintari, abkokäre juani kwe.



1 Juan 5:11-13

Kukwe era metre niebare Ngöbökwe niara Odeibtä abko krörö: Ngöböta ni mike nüne kärekäre niara Odei köböire. Ye aise, nire nire tä tödeke Ngöbö Odei Jesukristobti, ni ye abko rabadi nüne kärekäre Ngöböbe, akwa nire nire ñan tä tödeke Ngöbö Odei Jesukristobti, ye käkwe ñan nünandre kärekäre Ngöböbe. Mdakäre abko ti mräkätre, munta Ngöbö Odei mike era jae, käta tödeke bti, ye köböire mun rabadi nüne kärekäre Ngöböbe abko rabadre gare metre munye, abkokäre tita tärä ne tike munye.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ngäbere NT (gym) © 2004, Wycliffe Bible Translators, Inc.
All rights reserved.

<https://live.bible.is/bible/GYMWBT/MAT/1>

©2026 Bible for Children, Inc.

www.M1914.org

www.bibleforchildren.org

